

M316: Lupold Hornburg: Reden

- 1,a Diz ist des Langen Luppoldes hornburgs
1,b von Rotenburg Lantpredige von
1,c der werlde kummer vnd noet . wie
1,d oder worr umme die geschihet .
1,1 Ey kond ich hie gepredigen .
1,2 Enbinden vnde ledigen
1,3 Der werld ein teil von swere .
1,4 als manig predigere .
1,5 Geswige ich ymmer einen tag
1,6 Vnd solt es kosten mir den nak
1,7 Ich seit ie hie der sele not
1,8 Fuer dort den eweclich- toet .
1,9 An libe vnd auch an sele
1,10 Herre sancte Mychahele .
1,11 Duc hoer engel gotes degen .
1,12 Nu hilf a mir der worte pflege- .
1,13 Die cristes lop gemeren .
1,14 Vn- vns von sunde- keren
1,15 Also daz wir icht v'zagen .
1,16 By gotes plage in dise- tage- .
1,17 D' ma- wund' wunder seit .
1,18 Vnd ist doch ytel bermikeit
1,19 Als iob der gute hot geiche-
1,20 Ez sie on sache nie geschehe-
1,21 Ictes uf ertriche
1,22 Daz merket alle geliche .
1,23 Vn- swyge-t swige-t vnd v'nemet
1,24 Ein wort daz hie d' warheit remet
1,25 Vnde ist gesproche- lange her .
1,26 Von dirre bitterlichen sw'
1,27 Die alle tage erhebet sich
1,28 Je bitter vnd ie bitterlich
1,29 "Sust hebet sich d' smerze
1,30 Von zweier kuenige h'rze
1,31 Die luege- rede- werden .
1,32 Durch uebeltuon uff erden .
1,33 Zuo einem tische daz geschihet
1,34 Vn- schaffent doch sie beide nicht .

1,35 Wan s end ist in ein ander zit .”
1,36 Sus hat gesproche- als ez lit
1,37 Got vnser herre emanuel .
1,38 Durch den propheten Daniel .
1,39 I m eylften da Capitel
1,40 Daz ich on allen tittel
1,41 Kunde als ein prediger
1,42 Nu habent iwer oeren her
1,43 Ir h’ren ritter Knechte
1,44 Vnd m’kent ez vil rehte
1,45 Wan vw’ haubt uch lueget
1,46 Vnd uech mit luge- trueget
1,47 So muz ir liegen fuerbaz
1,48 Sust hebet sich der luege- haz
1,49 Von obn- zu dem nidern
1,50 Die lugen kuenne- vidern
1,51 Den hot ein h’ze got gegeben
1,52 Vnde hat d’ eine noch sin lebin .
1,53 Der ander ist verscheiden
1,54 Sust sprich ich ez mit eiden
1,55 Sol cristes ler her wider kome- .
1,56 Man muos e auge . ha-t . fuoz . z’drume-
1,57 Den hohen argen gelfen .
1,58 Syd gotes plage niht helfen
1,59 an in gar alle teigelich
1,60 So meld ich tomb’ vn- sprich .
1,61 Got sprrach durch des propheten mu-t
1,62 Ezechiels zuo einer stunt
1,63 “Ich droew de- priest’ vn de- man .
1,64 Iegliche- der da Wisheit kan .
1,65 Vnde kuendest du dem me-sche- niht .
1,66 Sin vngereht sin vngeschit
1,67 Die da der boese mensche tuot
1,68 So wird ich sel und auch sin bluot .
1,69 Vordern herre von diner hant”
1,70 Ir wisen dar an sit gemant .
1,71 Vnd kuendet hie den irresal
1,72 War omb vn- wie zuo dise- mal .
1,73 Geschehe-t groezer plage vil
1,74 Daz doch vew’ kein’ kunde- wil
1,75 Ez muezz ie ergerunge geschehe- .
1,76 als cristus selber hat geiehen .
1,77 Mit einem auge zeo himelrich
1,78 Ist weger den- z er helle tich
1,79 Mit beiden augen kumen
1,80 Sust han ich ez v’numen .
1,81 Von einem priest’ d’ ez las
1,82 Da cristes ler geschriben was .

- 1,83 Ey schreke-t niht ia muoz es sin .
1,84 So sich erhebt ein kuenigelin
1,85 Vnd eyns vnd eyns vn- ab' eyns
1,86 Ja lueget man vnd sweret mey-s .
1,87 So vil bi disen ziten
1,88 Daz weg' wer hie striten
1,89 Da auge vn- hant wuerde- v'lorn
1,90 Den- wizzentliche- meyns gesworn .
1,91 Hie nu zuo tutschen landen
1,92 Ich toer ich wil ez anden .
1,93 Mit Worten als mir hat geseit .
1,94 Dem cristes ler ie wol beheit
1,95 Der hat gekundet mir alsus .
1,96 Ez habe geschriben gregorius .
1,97 Von cristenlichem rechte .
1,98 "Gewinnet die an uechte .
1,99 So . daz die warheit wirt gemuoet
1,100 Dar nach sie bri-nendiger gluoet .
1,101 In Cristenlicher sterke ."
1,102 Du zwifeler daz merke
1,103 Vnd gelaube daz sant peter glaubet
1,104 So bist due sinnes vnberaubet .
1,105 Hie bie der gotes straffe .
1,106 Vn- huetest dv der schaffe
1,107 Du wirdest ein behalte- man .
1,108 In gotes hulden heb ich an .
1,109 Got . uater . sun . heilig' geist .
1,110 Gar all' guote- dinge volleist .
1,111 Hilf mir daz ich beginne .
1,112 Einer rede in gotes mi-ne .
1,113 Die durch liebe noch durch leit
1,114 Je melde hie die warheit
1,115 Daz helfe mir d' ware crist
1,116 D' gezuge der warheit ist
1,117 Die man uu leid' menget
1,118 Dar uomb er vil v'henget
1,119 Zeichenu-ge hie vnd da
1,120 Ietzunt sus vn- denne sa
1,121 So strafet vns der wise
1,122 Mit sin' rueten lyse
1,123 Durch daz wir wider keren
1,124 So wellen wir in nicht eren
1,125 Wir boesern vns vo- tag zu tage
1,126 Da vo- geschicht uil manig plage
1,127 Hie nu bie disen stunden
1,128 als wir hoen wol erfunden .
1,129 Heuschrecke- guesze vnd grozen meyn
1,130 Vil rappe- . wurme gar vnrein .

- 1,131 Die werlet hie beswaren
1,132 So moste e wylu-t iaren
1,133 So ist d' win nv zwir erfroen
1,134 Daz machet daz hie wirt geswoern
1,135 By cristes sund'lingen liden
1,136 D' ma- eins niend't wil befride-
1,137 Man swer da by zuo dirre stu-t
1,138 Sust sprichet leider manig mu-t .
1,139 "Gotz nase ." "gotz heubt ." "gotz h'rz vnde bluot"
1,140 Daz got dise zeichenu-ge tuot .
1,141 Je langer vnde ie uaster
1,142 Meyns swern was e laster
1,143 Daz ist nu worden one scham .
1,144 Vnzucht vntruwe auch alsam .
1,145 Vnde sunde maniger hande
1,146 Hie ist da nictes schande
1,147 Wan- d' nu iarlang niht en hat .
1,148 Daz ist die groste missetat
1,149 In dirre werlde nue leider .
1,150 Daz hoher ma- meyneyder
1,151 Bie disen ziten ist so w't
1,152 Vn- biderb' arme- niema- gert
1,153 Der Kunig nach dem keyser .
1,154 Des ist ir lop vil heyser .
1,155 Daz si daz boese nicht enw'n .
1,156 Dem keyser sine- zins v'sw'n .
1,157 Die hohen pfaffen uoben
1,158 Da mit sie auch betruobe-
1,159 Vil ofte manige- criste-ma- .
1,160 D' nie kein schult dar an gewa-
1,161 An irre nuewen seckte
1,162 W' in daz mengen deckte
1,163 Si mechte- vz den cristen .
1,164 Vncristen mit ir listen
1,165 Die sie vinden wid' reht .
1,166 Sie sint niht alle gotes knecht .
1,167 Primatem kardinale
1,168 Die dirre werlde quale .
1,169 Fuogent vnde liechttrager
1,170 Suemliche diene-t lutzifer .
1,171 D' da ein herren tufel ist
1,172 Dem dient sie zuo dirre frist .
1,173 Vil mere wan dem suezzen got .
1,174 Sie sint des endecristes bot .
1,175 Syd in nach schatze ist also we .
1,176 Vnd nach dem riche mychels me .
1,177 Wie daz bekum in ir gewalt .
1,178 Des ist ir mengen manigualt .

- 1,179 Wie sie daz riche swachen
1,180 Vnde niendert fride machen .
1,181 In dirre cristenheite .
1,182 Wan gotes miltekeite
1,183 Vn- auch sin reine guote
1,184 Er liez hie minn'n bluote .
1,185 Vf baum uff halme- w'den .
1,186 Er liez auch uz der erden .
1,187 Ein wazzer niendert fliezze-
1,188 Wan daz wir eine geniezzen
1,189 Der grundeloese- barmikeit
1,190 Ey konde ich sage- die warheit
1,191 Ich woelt ein rede sagen .
1,192 Die vor bie manige- tage- .
1,193 Her was geseit uf dise ziet
1,194 Wie ez nu in d' werlde lit
1,195 Mit liegen triegen sterben .
1,196 Dar nach vnd als wir w'ben .
1,197 Sust hat sibille gesprochen
1,198 Daz mueze- wir besochen
1,199 Waz vns dar u-b geschehe- mag .
1,200 Vil eben an sant paules tag .
1,201 Do vielen von ertbidemen
1,202 Vil dorfer wieler widemen
1,203 Stet cloester . burg . vnd ueste- .
1,204 Die sie zvo kernten westen .
1,205 Die koende- wol da u-o gesage- .
1,206 Ein ander noet die wil ich clage- .
1,207 Daz der warheit ist geswige-
1,208 Vnd wir in suenden allez ligen .
1,209 Bi grozzer zeichenunge .
1,210 Daz alten vnde iunge .
1,211 Nu sterben sund' one w' .
1,212 Vil manige- enden bie de- mer .
1,213 Zu augermort zuo Nimis
1,214 Besunder zuo Marsilis .
1,215 Da stent von me-sche- toede .
1,216 Funf tusent hueser oede .
1,217 D' niendert keins kein erbe- hat .
1,218 Zuo auinione in der stat
1,219 Da sterbe-t sie so rehte ser .
1,220 Wol hu-d't tusent od' mer .
1,221 Inwendig drier moenden .
1,222 Die sich irs lebens oenden .
1,223 Da wellen sie niht ane sehe- .
1,224 Die hohe- richen pfaffe- spehen
1,225 Die des riches gulte hant .
1,226 Stet vnd burge . luet . vn- la-t .

- 1,227 Daz kuemet vo- in ni-m' wid' .
 1,228 Ez lig e aug ha-t . fuz d' nider .
 1,229 IR falscher ban ir Symoni .
 1,230 Lant arme luete nimmer fry .
 1,231 Ez kume dan- ein kuenig
 1,232 Ein gotesknecht besuenig .
 1,233 D' wid' bringe cristes E .
 1,234 Daz d' gelaube envig ste .
 1,235 In cristenlichem orden
 1,236 Vil ist der ketzer worden .
 1,237 Den vngelaube- niema- w't .
 1,238 Des manig glichsenere vert .
 1,239 Ryechsend von der suende- wege- .
 1,240 Die got sin volk nu hie siht phlege-
 1,241 Reubig zuckig . muerdig gar .
 1,242 Vil zwifelere offenbar
 1,243 Vmb den gelauben kriegen .
 1,244 Da von die lieger liegen .
 1,245 Da von die glychsenere .
 1,246 Nu glychsent offenbere .
 1,247 Biz daz ein vobel daz and' muoz
 1,248 Vertribe- sust wirt suehte buez .
 1,249 Seht also sprach her frydang .
 1,250 Vil gar vor kurtze- iare- lang .
 1,251 "Lat uech die zit behage- wol .
 1,252 Syd daz ein boeserue kume- sol"
 1,253 Eya wie bose ez da-ne wirt
 1,254 E noch daz bose er vz gewirt
 1,255 Die sekt des vngelauben
 1,256 Ia sint ir uil der tauben .
 1,257 Die den gelauben zweien
 1,258 Die phaffen vor der leyen .
 1,259 Sint gar verirret sund' spot .
 1,260 Nu biten wir den suezze- got
 1,261 Daz er vns balde sende
 1,262 Ein haubet wernd' hende
 1,263 Menliches hertzen also frvm
 1,264 Daz auge vn- ha-t vn- fuoz zerdru- .
 1,265 Hie vor des tuefels samen
 1,266 Nu sprechet alle "Amen ."
- 2,0 Dyse rede ist vo- des Ryches clage .
 2,1 Beywilunt do ma- ku-st v'na-
 2,2 Vnd huebesch' ouetur alsa-
 2,3 Do woren keyser auch also
 2,4 Die byderwe helde machte- vroe .
 2,5 Daz ist anders nu bekumen .
 2,6 Bey in truren nuer die frume- .

2,7 Vnd frauwe-t sich die boesten
2,8 Die zagen wol die loesten
2,9 Reichzsent nu an manig' stat
2,10 Des vndienst nu fur dienst gat .
2,11 Vnd luege- fur die warheit .
2,12 Als sybille wylunt seit
2,13 D' herre wurde zu knechte
2,14 Vnd gienge vnrecht fur rehte
2,15 Vnd vntruwe fur die truewe .
2,16 D' sit ist yren neuwe .
2,17 Daz zucht vnd scha- vnd edel kunst
2,18 Habe-t nu niht der herren gu-st .
2,19 W' losen smeychen schelte- kan .
2,20 ze hofe der ist nu der man .
2,21 By disen iaren huere
2,22 Da von disz afentuere
2,23 Mag heizze- wol des ryeches klage
2,24 Die ich mit gutem wille- trage
2,25 zu liechte- so ich beste- kan .
2,26 In gotes hulden hebe ich an .
2,27 Eya wie wol ich nutzte
2,28 Daz hie ein teil kunst schutzte
2,29 Fur mich die kunsterinne
2,30 Biz ich vz grobem sinne .
2,31 Swu-ge den kunstlosen steup .
2,32 D' mir den sin ie machte teup .
2,33 Vnde so vngesliffphen
2,34 Daz er hat nie begriffe-
2,35 Kunst die ze sagen tochte
2,36 Wol ich mich hazze- mochte
2,37 Daz ich so kunste-lose ie was .
2,38 Doch sag ich daz ich eines las
2,39 In Cronicis den buechen
2,40 Flizlich begund ich suechen
2,41 Wie keyser kunige lebeten
2,42 Hie vor vnd weliche strebeten
2,43 Noch eren als daz buch noch leret
2,44 Vnd welich' hat daz riech gemeret .
2,45 Als sie im waren schuldig
2,46 In des kom vngeduldig .
2,47 Ein slapff mir in die augen .
2,48 Daz ich saz sunder laugen
2,49 Verirrt in manig' fantasye
2,50 Daz ich d' witze- nahent frye
2,51 Was worde- von dem lesen .
2,52 Ich gedaht ez din genesen .
2,53 Vnd freuwet din genuchte
2,54 Gang da d' meye birt fruhte

- 2,55 Dar kom ich gar v-mazze- snel .
2,56 Da ich die bluome- roet wiz gel .
2,57 Mit tauwe fant betroeret .
2,58 Von vogellin gehoeret .
2,59 Wart nie so riches sanges
2,60 Mich muowet daz ich niht langes .
2,61 Bequa- da fraude mir swere nimpt .
2,62 Durch lust min weg furbaz bestimpt .
2,63 Was durch de- walt die twirge
2,64 Gar an ein hoch gebirge
2,65 Qua- ich da ich vil manige-
2,66 Ersach fluz der fvntanien
2,67 D' vil vez hohen felsen doez
2,68 Do wid' wart d' luden groz .
2,69 Von tyeren in der wueste .
2,70 Menlich sich forhte- mueeste .
2,71 Der noch hoert suliches gelsen .
2,72 Wo ich moht hinder felsen
2,73 da barg ich mich vnd allez vloech
2,74 Jetzunt ich gienge vnd da-ne croech .
2,75 Hin an des berges climme .
2,76 Da hecken dorne grimme .
2,77 Mir min geuerte ruechten
2,78 z war wilde wolfe schuechte-
2,79 al sulche hecke- vnde dorn .
2,80 Ia sach ich hinde- vn- vorn .
2,81 Neur brame- vnde rutzsche-
2,82 Vf kli-men vnde hutzschen
2,83 Mueste ich biz an daz hoeste
2,84 Dar nach ward ich d' froeste .
2,85 Da ich quom durch d' felse bruech
2,86 D' schoenste schin d' beste ruech
2,87 In suzze- winde- kome-
2,88 Mit mirre- thus aromen .
2,89 Gemichist vnd nicht mit falsche-
2,90 Nicht wann ein luth' balse-
2,91 Was da d' berg obe- vnd d' luft
2,92 Wern aller suezzer kruter kruft
2,93 Gestanden gein mir offen
2,94 So suezzer smag gesloffē-
2,95 W' niht als mich an drehete .
2,96 Mit schin vz schiene drehete .
2,97 Gein mir ein frawe v-maze- glantz
2,98 Daz ich gesach von rechter schantz
2,99 Nie bilde baz gesthalter
2,100 Sie was von guetem alter
2,101 Des augentlich mich duechte
2,102 Luft vnd plan durchluchte .

- 2,103 In glantze- schin in aller wies .
2,104 “Diz ist daz irdihs paradyes”
2,105 Gedacht ich an der schauwe
2,106 Vff eim gesthuolde die frauwe
2,107 In schinende- luften swebete .
2,108 Manig tierlin als ez lebete .
2,109 Lag in dem stuol wiz helfenbein
2,110 Ergraben z war vmmazze- rein .
2,111 Nach listeclichen siten
2,112 Was auch ir wat gesnite- .
2,113 Von wiezzem larichande
2,114 Daz wizzer wizz erkande
2,115 Nie bie minen tagen ich .
2,116 Ich dachte dicke “sih a sich
2,117 Die wizze- wat durch wund’ .”
2,118 Wiezz hermelin was dr und’
2,119 Gefutert vnd gemachet .
2,120 Sust wizz daz wizz an lachet .
2,121 An libe vnd auch an wete blang
2,122 Lang was d’ wite- wete swang .
2,123 Als ez gezam ir witze
2,124 Ir wol gebilt antlitze
2,125 Schein glich dem volle- moane-
2,126 Vff irme haubt drie kroenen .
2,127 Die vzerwelte frauwe trueg .
2,128 Die waren also listik kluog
2,129 Von steinen vnd von golde
2,130 Der allez guot zu solde
2,131 Gebe heiden kreiche- cristen
2,132 Sie kuonde- mit ir listen .
2,133 Nicht mache- suliche- prisant
2,134 Dar inne lak manig dyama-t .
2,135 Smaragde- sardin gimmen
2,136 Rubin sach man dr uz glimme-
2,137 Saffir thorkos yachande
2,138 Vil schin vnd ma-chir ha-de
2,139 Mir tet do an gesichte gedon .
2,140 Crisoliden vnd toppasion
2,141 Der weyse vnd d’ karfunkel
2,142 Sin . vnd gesichte tuenkel
2,143 Maht mich ir schien do leyd’ .
2,144 Sust ich ir aller beyder .
2,145 Von glantze- glaste wart entrust .
2,146 Zu er erden vil ich vf die Brust
2,147 Do mich ir schin engaste
2,148 Nach witzze- ich da taste .
2,149 Sam noch dem wege tut blind
2,150 Als nuweborne kinde

2,151 Was ich an witzen vnbericht
2,152 Vor glaste mocht ich gesehe- nicht
2,153 Die frauwe- an der stunde .
2,154 Sie sprach vz roetem muonde
2,155 Zue mir so rechte tuge-tlich
2,156 “Got grueze werder knappe dich .”
2,157 Des danckt ich ir vil kleine .
2,158 Ich rief “maria reine .
2,159 Durch din genade die nie v’saget .
2,160 Keim gnade- gerende- reine maget .
2,161 Von sunden mich enpinde .
2,162 Mit bete gein dienem kinde .
2,163 Des wart nie sund’ also not .”
2,164 Die frauwe mir antwurte bot .
2,165 Vnd sprach “tu hin due tobest
2,166 Sit du gelich mich lobest
2,167 Deu all’ der w’lde gnade- birt
2,168 D’ werlt mich auch d’ hymelwirt
2,169 Her sante vz engelkoren .
2,170 Vnd hyez mich vnrecht stoore- .
2,171 D’ werlt gemeine geliche
2,172 Ich bin z daz Romische rieche
2,173 Da von la sorge vnd alle foerht”
2,174 Ich sprach “eur trost hat mich entworht
2,175 Redens vil edelez bilde
2,176 W’ braht euch in die wilde”
2,177 Des gab sie mir antwuerte
2,178 So edels von geburte .
2,179 Hat zu d’ zit got nie derdacht
2,180 Als do die romer mit ir maht .
2,181 Strebete- nach hoher wirde
2,182 Vnd ich sach die begirde
2,183 Zuhant ich mich dar wante
2,184 Do ich ir treuwe erkante
2,185 Vnd satz zu in mins riches stuel
2,186 Mit helfe de- ich gar zermuel
2,187 Die mit gewalt mir tratzten .
2,188 Vil diener sie mir satzten .
2,189 Die miner dinge wielten
2,190 Vnd sich dar an behielten
2,191 Als iren eren wol gezam .
2,192 Dor nach zue phleg’ ich auch na-
2,193 Julium den werden leyen .
2,194 Do der ersluhk bopeyen .
2,195 Der sich mir mit gewalte
2,196 Vnrechlich wider stalte
2,197 Da zue krieche- yensit mers
2,198 Gewaltik maht mins ga-tzen hers .

- 2,199 Julius des riches spizzen
 2,200 Konde wol die finde smizzen .
 2,201 Hertlich zue manige- ziten
 2,202 In stuermen vnd in striten .
 2,203 Betwang d' helt ir vil mit maht .
 2,204 D' keyser keyserlich durchfacht .
 2,205 Do seinen widerwerten frefel .
 2,206 In sinen warf dar nach trug wefel
 2,207 Augustus der geherte .
 2,208 Der mir daz riech ie merte
 2,209 D' vnd vil manig keyser starp .
 2,210 Biz hin an Constantin d' warp .
 2,211 Noch follecliechen eren .
 2,212 Kond er min ryeche gemere-
 2,213 Als er mir wol erzeigete
 2,214 Wan- er sich nid' beugete /
 2,215 Gen got vnd sich bi im erhuep .
 2,216 Kristenglaube des ma- entsuep .
 2,217 An dem . Babest siluester .
 2,218 Ia kond er noch en west er
 2,219 Min riech niht wol gewirde- baz .
 2,220 Sin reine demuot fueget daz
 2,221 Vnd auch sin truwe die er tet .
 2,222 Wan- er got lieb in h'zen het .
 2,223 Vnd minnet in von schantze
 2,224 Min stuel hin gein bysantze .
 2,225 Die haubetstat in kriechen ist
 2,226 Fuert er vnd satzt in sund' frist .
 2,227 Da hin mit machtes troppel
 2,228 Dve stat Constantinoppel .
 2,229 Noch Consta-tin noch heizzet
 2,230 Vil kriechen do gereizzet .
 2,231 Wart hert durch mich uff ritt's ka-ph
 2,232 Daz vo- ir strit gi-g mani-g da-ph
 2,233 Wann sie vz manigen zungen .
 2,234 Leute vnd lant mir twuengen .
 2,235 Daz sie im musten zinsen
 2,236 In des begonde binsen
 2,237 Vil eren bilde gar vzzerwelt
 2,238 Kunig Karl d' vil w'rde helt
 2,239 De- ma- da na-t "der groezze ."
 2,240 Zue franrich sin genozze
 2,241 Kom nie uff stul des riches
 2,242 Zu dem kort ich geliches
 2,243 Von krieche- hin in tuetsche lant
 2,244 Wan- daz stu-t alz an siner hant
 2,245 On frisen vnd on sachsen
 2,246 Dor uf sin ernst bewachse-

- 2,247 Begonde mit strites herte
 2,248 Biz er sie uberberte
 2,249 Daz sie ime worde- vnd'tan .
 2,250 Von gotlant vnd vo- beneu-etan
 2,251 Vz berberischer terre
 2,252 Vil lant nahe vnd verre .
 2,253 Britannen . hunen . winde- .
 2,254 Yspanien mit gesinden
 2,255 Vnd alle walhe- vb' berg .
 2,256 Betwa-g sin keyserliches wr'g
 2,257 Daz sie ime dinst niht sparte- .
 2,258 Den kunig von lamparten .
 2,259 In sin gewalt er fazzete .
 2,260 Der ie die Roem' hazzete .
 2,261 Den man hiez desiderium .
 2,262 Den starpt zu oche d' keyser fru- .
 2,263 Sust wart mir cron lant luete .
 2,264 Got in in hymel truetete
 2,265 Der mich so fruntlich meinte .
 2,266 Daz er mir dicke erscheinete .
 2,267 Wo er min phlag mit truwe- scho-e
 2,268 Zu franrich sines vater Crone
 2,269 Gap mir der hochgeturte .
 2,270 Min riech er richlich sturte .
 2,271 Mit truwe- vnde pflanzete
 2,272 Er kronde mich vnd kra-zete .
 2,273 Mit all' tuge-t sin b'nder solt
 2,274 Nehst got was ich im also holt
 2,275 Daz im uff alle der erden .
 2,276 Niht libet dan- im dem w'den .
 2,277 Sam tet ich seinn nachkume-
 2,278 Die schickten minen frume-
 2,279 Biz daz gestarp keyser arenolf
 2,280 Daz bie ir keime des roubes wolf
 2,281 Nie kom zu minen schaffen
 2,282 Dar nach begonde- slaphen
 2,283 Die kunige fursten hirten
 2,284 Die mine schoeff v'irten
 2,285 Die hueten solte- leut vnd lant .
 2,286 Die stiffe- do roub raup vnd bra-t
 2,287 Daz werten e ir veter .
 2,288 Do ich daz bose weter .
 2,289 Ersach vnd auch erhorte .
 2,290 Daz min vntruwe foerte .
 2,291 Min menlich vnd mich meint i- ark
 2,292 In tuee\tsche lant ich mich v'bark
 2,293 In einer wilden feste .
 2,294 Do mich ir keiner weste

- 2,295 Der vngetruwen rotte .
2,296 Biz daz kom keiser Otte von Bruenswik
2,297 D' noch kunig karl d' groste hiez
2,298 Nie nihtes d' mir vzze geliez
2,299 Daz mir an eren zeme .
2,300 Daz got sin ende neme
2,301 Der also fur sich hurtet dar
2,302 Auch ub' berg die walhe- gar .
2,303 Hat oppodriten sorben
2,304 Alz wintlant mir erworben .
2,305 Die huenen uberriten
2,306 Vnd vngern uberstriten
2,307 Sust hat beherschet dicke sin kraft
2,308 Wie oft er in der heidenschaft
2,309 Regt durch mich liep vnd lider .
2,310 Dar nach sin sun Otte sider
2,311 Mit dinste min wol warte .
2,312 Daz sun nie baz gearte .
2,313 Noch sinem vater sint noch vor
2,314 Otte sin nefe traf auch daz spor
2,315 Daz e der alte ante
2,316 Sin finde er fintliech swante
2,317 Vnd kond sie sust verderben
2,318 Do der v'schiet on erben
2,319 D' min in truwe- nie vergaz .
2,320 An sine fursten satz er daz
2,321 Daz sie mir setzten phleger .
2,322 Vnd waz sie duchte daz weg' .
2,323 Daz solten sie betrachten .
2,324 Vil diener sie mir achten
2,325 Die gantz mit truwe- mey-te- mich
2,326 Vo- beyerlant h'zoge heinrich
2,327 Der was der selben einer
2,328 Wip nie gebar fruht reyner .
2,329 Got vnd mich on getuesche
2,330 Mint er in reiner kuesche .
2,331 Vnd tet mir dinstes wund'
2,332 Polanen mir besunder .
2,333 Betwang sin menlichs elent
2,334 Sam helde toeten fellent .
2,335 Kond er mit strites h'ter trift .
2,336 D' da hot Babenberg gestift
2,337 Waz stiften nue die feigen .
2,338 Die mir so dicke erzeigen
2,339 Zagen hertze vnd bloden muot .
2,340 Wie ist ir liep so gar vnfrut
2,341 Daz sie des bosen niht enw'n .
2,342 Hie rauben zuecken meines sw'n .

- 2,343 Vnd dor zu kirchen brechen .
 2,344 Wie daz sie ez niht rechen .
 2,345 Ez blibet doch vngeroche- niht .
 2,346 Sit zeichenu-g so vil geschiht
 2,347 Von gotes rueten alle tage
 2,348 Ein plage ie nach d' and' plage .
 2,349 Ertpidemen lute sterben
 2,350 Dor nach vnd als sie w'ben .
 2,351 Sust richt ez got vil swoere
 2,352 Ey knapp ich sage dir wore .
 2,353 Ia weiz ich mind't bantierhelt .
 2,354 In tuzschen landen vzerwelt .
 2,355 Getreuwen noch gerechten
 2,356 Dan- herzoge allebrechten
 2,357 Von Osterrich den wysen
 2,358 Den wil ich stete prisien .
 2,359 Durch daz sin lant mit fride- stat .
 2,360 By kranke- liden er hie hat
 2,361 Sins muetes dicke gnozzen
 2,362 D' wer mir vnverdrozzen
 2,363 Hie ze rechen miene leyt
 2,364 Wen- daz den dege- v'uerzeit
 2,365 Got selb' nah im zuehet .
 2,366 Da vo- der helt mich schuehet
 2,367 Mich armez ryech ellende
 2,368 Ich weiz war ich mich wende .
 2,369 Sit ich nicht finde truwen
 2,370 Ir hende sie mit ruewen .
 2,371 Begonde winde- ich erschrak
 2,372 zuhant sie vnv'sunnen lak
 2,373 Ir varwe gar verwandelt
 2,374 Fur toet ich sie do handelt
 2,375 Vnd want sie w' v'scheiden
 2,376 Min leben mir do leyden
 2,377 Begonde an d' selbe- stu-t .
 2,378 Vff spart ich iren rote- mu-t .
 2,379 Vnd kult sie vnd labete
 2,380 Mit tauwe als ich in habete
 2,381 Daz sie zehant wart mu-der .
 2,382 Ich sprach "ia nimt mich wund'
 2,383 Daz ir niht rechet uev'n schade-
 2,384 Do mit ir hie siet vb'laden
 2,385 Vnd vch doch dienet erde vnd mer ."'
 2,386 Si sprrach zu mir on alle wer
 2,387 "Swik knappe du dich seylest
 2,388 Sit selber due verteylest
 2,389 Din lantfolk des du doch niht weist
 2,390 Die mir den schade- allermeyst

2,391 Mit bosen funden fuegen
2,392 Ir grozz vntat sie ruegen .
2,393 Mit raube mit mort mit brande .
2,394 E st mir von tuetschen ande .
2,395 Daz mir vnreht vo- in geschiht
2,396 Ey daz si daz betrachten niht .
2,397 Daz got von muotgeluste
2,398 Sich vnder meitlich bruste
2,399 Hie barg bey minen Jaren .
2,400 Vil reyche vor mir waren .
2,401 Den suliche wurde nie geschah
2,402 Sie enphing in do d' engel sprah .
2,403 Au e ir lip zo zarter
2,404 Got leyt by mir dy martier
2,405 Vnd loste auch vns vz bande-
2,406 Do er was uff erstanden .
2,407 Do mit er brach d' sla-gen lyst
2,408 Er wil mich e der endecrist .
2,409 Kumpt uff zu himel fueren
2,410 Vnd kein vntat laon rueren .
2,411 Do ich han immerleben
2,412 Got hiez lipzins mir geben .
2,413 Den gotes sun krist selb' gap .
2,414 Roeme mins erste- stuls vrhap
2,415 Mit wurde got irqwickte
2,416 Ein haubet er dar schieckte
2,417 De- heiligen babest sante peter .
2,418 Wan- vngelaube da dreter .
2,419 Was miend't noch so stre-g' fluoz
2,420 So da den irren lere guoz .
2,421 Kond er do wol v'schoffen
2,422 Kristengelauben phfroffe-
2,423 Kond er mit siner predyen
2,424 Beide inpinden vnd ledyen .
2,425 Gen gote mache- manige suen .
2,426 Des uu die bebste niht ene tun .
2,427 Noch hohe ryche phaffen
2,428 Die iren wollust schaffen
2,429 Vff fleislich girde in dirre werlt .
2,430 Sust ist ir sin uee hie geberlt
2,431 Vnd nicht noch vns'm heile
2,432 Golt silber tuet den meile
2,433 Daz e die bebeste miten .
2,434 Durch got sie marter liten
2,435 Zu roeme do sie sint begrabe-
2,436 Vnd sie ir mu-st' auch da habe-
2,437 Daz weiz wol w' an crist gelaubet
2,438 Daz ez ist aller criste- haubet .

2,439 Sust wart min stuol der erste
2,440 Wol da der allerherste
2,441 Von gote hie geeret .
2,442 Nu hant sie sich v'keret
2,443 Daz ich weiz wem getruewen .
2,444 Hier vmb die wuest ich buewe-
2,445 Muzz vnd iam' derren .
2,446 Siet sie mir abe zerren .
2,447 Daz uff mich ha-t ir uet' braht
2,448 Wie ist ir muot so vnverdaht
2,449 Vnd ir sin so gar beschaben
2,450 Die da keyzers name- haben
2,451 Daz sie wuecher symoni
2,452 Lazent also lange fry .
2,453 Byz eyne- keyser wirt v'geben
2,454 By gotes tische dem sin leben
2,455 Gye der sunnen hie gelich .
2,456 Daz was der keyser Heinrich .
2,457 Von Luetzelburg der gotes degen
2,458 D' lie zu fruo mich vnd' wegen
2,459 Vnd sleich mir als ein schate hin
2,460 Nu habent sie uil langen sin .
2,461 Vff liegen triegen smeichen
2,462 Vnd hersche-t uuer die weichen
2,463 Die keyser kuenige fuersten
2,464 Die niht noch eren dursten
2,465 Wil . dar umb daz min v'gat
2,466 Tuchslant in klein' wurde stat .
2,467 Der mahe s ich s follen sund'
2,468 All lant in weren vnder
2,469 Vnd teten sie mir rehte .
2,470 Des vaterlant voruechte .
2,471 Solt me-lich da ez liett gebrest
2,472 Fuenf hu-dert Jar bin ich gewest
2,473 Bi in vnd dannoch lenger
2,474 Daz lant an wurden genger .
2,475 Nie wart noch an gelingen
2,476 In stritt ich s niema- dringen
2,477 Liezze bi mir vnd ha- den da-g .
2,478 Ich hette gekert vo- in vorlang
2,479 wan- noch ir alten truewe .
2,480 Die mich alzeiten nueue
2,481 Twi-get . wo sie ha-t gerueemet
2,482 Mir ere . da han ich sie gebluemet .
2,483 Die wil die lant sie forhten
2,484 W' forht uue die v'worhten
2,485 Die meiner wurde- wadel .
2,486 Lant sten\ d in grozze- zadel .

2,487 Au we wor zu sint sie geborn
2,488 Otto Frog a wes sie mir ha-t gesworn .
2,489 Die herren tuatscher lande
2,490 Ez ducht sie billich schande
2,491 Daz sie niht helfent raten
2,492 Als e ir eldern taten .
2,493 Vnd daz ir keiner wil v'stan
2,494 Daz sie gewalt hie vo- mir han
2,495 Daz sie daz noch betrechten
2,496 Zu dinst mir widerbrechten
2,497 Die lant die mir enga-gen sint
2,498 Als e ir eldern ich sie mint .
2,499 Vnd setz in hoher zirde .
2,500 An wirdeclicher wirde .
2,501 Wolt ich sie gerne sterken”
2,502 Ir wort bat sie mich m'ken
2,503 Da in dem wilden walde
2,504 “Lant sie niht vntat balde
2,505 Ir vntruwe vnd ir groz vnart .
2,506 So forht ich daz ich muze eine vart
2,507 Farn als ich tet vo- kriechen
2,508 Die noch an eren siechen
2,509 Dor umbe vnd muezent sochen
2,510 So wird ich eerst gerochen .
2,511 Daz sage in knapp mit worte- scharfh
2,512 Dor nach ir keiner sprechen darf .”
2,513 “Hete man mir s e gesaget .
2,514 Ich hette mit niht v'daget
2,515 In dinst noch still gelegen”
2,516 Si sprrach “got dich gesegen
2,517 Vil werde knappe here .”
2,518 Vil sufz\ten vnde sere .
2,519 Da in der zarten luzzen .
2,520 Min augen vb'schuzze-
2,521 Ir clage-den leit daz schueffen
2,522 Die frawe begonde rueffen .
2,523 Da vnd befalch mir tusent stu-t .
2,524 Daz ich s in offenliche tete ku-t
2,525 Den hohen fursten allen siben
2,526 Si wurde- kurzlich vertriben .
2,527 Von eren vnd von guete
2,528 Hetten sie niht in huete
2,529 IR haubet vnd hulf im wider
2,530 Sie lege- noch imsamt d' nider
2,531 Der h're zu dem knechte
2,532 “Si teten mir vnrechte
2,533 Si kuren zu der cristenheit
2,534 Ein haubt uer durch gytikeit

2,535 Vnd tarst du daz gesagen in .
2,536 Vil werder kuappe so nim hin .
2,537 Ein roet marg goldes die dir git
2,538 Min knecht kunig karel zu d' zit .
2,539 So due die rede hast getan .
2,540 Des solt u mich zu burge- han"
2,541 Der rede ich sie gewerte .
2,542 Do si s so vaste begerte
2,543 An mich . vnd swuer s ir einen eyt .
2,544 Daz ich durch liebe noch durch leit
2,545 Jie wolte hie die warheit sagen .
2,546 Dar nach kom ich in kurtze- tage- .
2,547 Zu bassawe in die gueten stat .
2,548 Vnd tet als mich daz ryeche bat
2,549 Vnd seyt die rede hie vnd do .
2,550 Den fursten groefen sunder dro .
2,551 Vnd aller adellichen diet
2,552 Den ich s mit ganze- truwe- riet
2,553 Daz sie dem riche stunden bie
2,554 Er wer ein dinstma- od' ey- frye
2,555 Ein h're ein ritt' oder ein kneht
2,556 Den seit ich ez mit worte- slecht
2,557 Vnd sage uch noch des sinnes gru-t
2,558 Hie vor eyn keyser was vormu-t
2,559 Des riches vnd pflak nitches .
2,560 Dan- reht vnd rechtes gerichtes
2,561 Vnd gieng vil wiete sin gebiet .
2,562 Ein ieglich furste reht im riet .
2,563 Menlich des rieches schade- rach .
2,564 Nv lazent sie sich an z gemach .
2,565 Des riches reht sie lazzen .
2,566 Ir selbes ere sie hazzen
2,567 Wan- sie daz ryeche smehen
2,568 Ich lazz vch noch gesehen
2,569 IR grofen frien Ritter .
2,570 Vch wirt daz suzze noch bitter
2,571 Wan- daz rieche uu gerumet .
2,572 Tuetschela-t so ist zu la-ge gesuemet
2,573 Dienst . waz hilft dann- vleben
2,574 Von knehtes kneht vw' lehen
2,575 Zu emphohe- uch gedyhet
2,576 Die ir nu selber lihet
2,577 Waz sol ich uch sage- me .
2,578 Ez tut mir fur daz rieche we
2,579 Daz ma- offenlichen swert
2,580 Meines vnd daz niema- w't
2,581 Kunige furste noch keyser
2,582 Des ist gerichte heyser

- 2,583 In dirre cristenheite wiet
 2,584 Do mit rede ein ende giet
 2,585 Der reuhe lange luppolt
 2,586 Wirt im dar u-me ni-m' solt
 2,587 So wolt er doch nit han v'daegt
 2,588 Er heit sin botschaft hie gesagt .
 2,589 Zv bassave in der w'den stat .
 2,590 Do mit die clage ein ende hat .
 2,591 Von karlstat Otte waldeman .
 2,592 Vienge die rede zu tichte- an .
 2,593 Die d' lange Luppolt hat .
 2,594 Geraubet hie an manig' stat .
- 3,0 Diz ist der zunge striet .
 3,1 Ein kunster ko- in eine- walt
 3,2 Do er sach blueme- manikfalt
 3,3 Vnd' einem grunen baume .
 3,4 Auch nam dar under gaume .
 3,5 Er einer frauwe- in dem grase
 3,6 Die was des alten trugers base
 3,7 Kueme- von gaucheshuesen .
 3,8 Vnd sait "la dir nit grusen .
 3,9 Gen mir du kunstlere
 3,10 Ich sage dir nuwe mere .
 3,11 Von markgrofe woldemaren
 3,12 Den vor bye manigen Jaren .
 3,13 Hette der tot an siech genume- .
 3,14 Sich . der ist her wider kuemen
 3,15 Vnd machet dich des gutes ryech
 3,16 Lobst du den herren tuge-tlich .
 3,17 Er richet dich vil sere .
 3,18 Ich bin s fraw ere frawe ere
 3,19 Vnd ke-ne dy adellichen diet"
 3,20 D' kunster vo- der frauwe- schiet .
 3,21 Hin durch den walt die twirge .
 3,22 An ein vil hoch gebirge .
 3,23 In ein luek hiez sprengberg
 3,24 Do elberich otnydes twerg
 3,25 Im lief engegin son zehant
 3,26 Vnd tet im fisement bekant
 3,27 Von velenfarwen dingen
 3,28 Die wart von lugellingen
 3,29 Ein hubesche affentuere
 3,30 "Phy du bist vngehuere:"
 3,31 Reht vz dem slopfe da d' man
 3,32 "Waz kunste solt ich mich neme- an .
 3,33 Von ligen trigen smeichen .
 3,34 Die uu die eydeln leichen .

3,35 Ein kurtze rede wore
3,36 Die wer on alle fore
3,37 Noch gut ze horen wo man sie
3,38 Rette den togentlichen hie .
3,39 Ich wil durch liebe noch durch leit
3,40 Je melden hie die warheit .
3,41 Mir kom an einem morge- frv .
3,42 So maniger leye gedenke zve .
3,43 Von dirre werlde lauffe
3,44 Daz ich by suoliche- kauffe
3,45 So nahen nie v'toret was
3,46 Wan- eyne- de- ich vz in las
3,47 D' mir da wol behagete
3,48 Dor noch ich schier gedagete
3,49 Der andern allesammet
3,50 Vnde gedaht zwei ammet
3,51 Den w'dent beide- selten guot .
3,52 Zu vil an allen dingen tut
3,53 Den schaden allgergest
3,54 Ein wizzentlich ernst
3,55 D' ke-phet als ein goteskneht
3,56 Gedaht ich mir vnd het auch reht
3,57 Bye dirre werlde swere
3,58 Wolt ich niht daz ich were
3,59 Ein kunig ein keiser d' da luege
3,60 Oder ein furste der da truege
3,61 Als der von trugentsachsen
3,62 Dem da ein schalk gewachsen
3,63 Wer voz siener klusen dar .
3,64 Wol hin mit sine- woldemar /
3,65 Ja bin ich lieber eine .
3,66 Ein sund' der gemeine
3,67 Als ein and' arem ma-
3,68 Der sienen dank gebreite- kan .
3,69 Vf die des rieches phlegen .
3,70 Die lant den ernst vnd'wege-
3,71 Vnd fehten mit den zungen
3,72 Huet ist in wol gelungen
3,73 An einer stat hat siech ergeben
3,74 Die siht ma- morge- wid'streben .
3,75 Huete swur ein h're in .
3,76 Der nam hie mite vnd dort gewin .
3,77 Vnd dienet beiden syten
3,78 Sust freist man lutzeln striten
3,79 Ez sye ein groze verrechenyshs
3,80 Reht als man vogel vn- viehs
3,81 Hie veht mit stricke- vnd mit hame-
3,82 Sust w'dent luet nue bi namen

- 3,83 Gefangen dirre bosen zit
3,84 Phy werlt diner zungen strit
3,85 Ia zimest due den kunige- wirs
3,86 Wan- aller diet gelaubent mir s
3,87 IR hohen levchellere
3,88 Kemen vw' tusedt here
3,89 Die gerne tantzten lachten
3,90 Vnd vil teydinge machten
3,91 IR w't an gotes dinste faul .
3,92 Noch wirser dan- d' kunig saul
3,93 D' fihe vnd luete solt erslahen
3,94 Der torste doch den kunig vahan .
3,95 Durch sinen giticlichen muot
3,96 D' noch den kunigen schade- tuot
3,97 Got hiez dauiden vechten
3,98 Gegen den vngerechten
3,99 Do faht der kunig here
3,100 Mit truwe- also sere .
3,101 Daz er hie gotes hulde erwarp .
3,102 Vnd lebt mit eren vntz er starp .
3,103 So siht man sye nu sterben
3,104 Als sie nach schande- w'ben .
3,105 Kunige keiser by dem riech
3,106 Gewurben nie so lesterlich .
3,107 Vnd wurben sie noch rehte
3,108 Sie wurden auch gotes knehte
3,109 Sam karel der ewylunt twang
3,110 Vil manig terre wyet vnd lang
3,111 Vnd mahte so vil cristen .
3,112 Daz die Ewangelisten
3,113 Noch die aposteln alle
3,114 Gemahte- sunder schalle .
3,115 Nye so vil cristen wan- er ein .
3,116 Nv lazent sie vil gar vnrein
3,117 Vz cristen ketzer werden .
3,118 Vnd werent vff der erden .
3,119 Niemand hie vngerehtes leben
3,120 Wer nuwer miete hat ze geben
3,121 Der mag uu leben wie er wil .
3,122 Des ist der ketzer also vil
3,123 Worde- . in dirre cristenheit
3,124 Daz sin got selb' niht v'treit .
3,125 Er reche ez hie vil sware
3,126 Me w'lt in disem Jare
3,127 Hoat der tot an sich genuome-
3,128 Wan- tusedt strite were- kume- .
3,129 In dirre werlde gemeine
3,130 Da auge vnd hend vnd beine

3,131 Wurde- v'schroten in den tot
 3,132 Vnd w' hie doch der sele not .
 3,133 Fur dort die helle eweclicch
 3,134 Nv hilf vns zu dem hymelrich
 3,135 Vil heyliger vater here
 3,136 Fug vns noch diner lere
 3,137 Ein haubt zu der cristenheit
 3,138 Daz niht en liege waz ez seyt"
 3,139 Hie endet sich der zungen strit
 3,140 Den hon getihtet sunder nit
 3,141 Luppolt hornburg genant von Rotenburg geborn .
 3,142 Vnd ist manige- ma- bekant

4,a Nu wil er vns hie sage
 4,b Gar ein derb'meliche clage
 4,c Wie der Iungeste vo- Sluzzelb'g den tot
 4,d Neme . fur den bite wir got .
 4,1 Sit die warheit nieman tar
 4,2 Gekunden leider offenbar
 4,3 Er muzz des libes angest han
 4,4 En gotes namen hebe ich an .
 4,5 Ey kond ich von den woppen
 4,6 Gegriffen vnd getoeppen .
 4,7 Reht als ein blind' mit de- stabe .
 4,8 So wolt ich vngefuger knabe .
 4,9 Ein rede kunden vnde sagen
 4,10 Vnd einen biderwe- h'ren clage
 4,11 D' was ein rechter pantyrhelt .
 4,12 Als in ein rieche het vz erwelt
 4,13 Im sine ere hie bewarn .
 4,14 Den fanen mit dem adelarn
 4,15 Furt im der vnverdrozen
 4,16 Vnd hoat sin bluot vergozzen .
 4,17 Wol uber zwir by dem Riech
 4,18 Den lye ein keyser lesterlich
 4,19 Beliben in den noeten
 4,20 Vnd wid' reht ertoeten
 4,21 Den kan volklage- ni-m' ich
 4,22 Sust lebt er vil gerehteclich
 4,23 Gar alle sine tage her .
 4,24 Sin edel muot . sin edel ger .
 4,25 Die warheit hie durch niema-t spart
 4,26 Dar umb er auch erworfen wart
 4,27 Mit einem blidensteine
 4,28 Zu nidekg der vil Reyne
 4,29 Must sterbe- vmb sin eige- gut
 4,30 Daz selten uu kein h're tut
 4,31 D' luge e er ein dorf verluer

4,32 Vnd d' ez liez an sine kuer .
4,33 Daz tet der w'de herre niht
4,34 D' sayte sleht die vade-riht
4,35 Dem keiser . als dem h'ren
4,36 Den mi-nern . als den merren .
4,37 Den Richen . als den armen .
4,38 Daz muezze got derbarmen
4,39 Daz die warheit ist gelegen
4,40 An dem hochgelobten degen .
4,41 Cunrad da von sluzzenberg
4,42 Der ie Ritterliche werg
4,43 Worhte durch sin edeln mut
4,44 Als ein goteskemphe tuot .
4,45 So faht er allez vnde streit
4,46 Gege- der vngerehtekeit
4,47 Vntz daz in got zuo im genam
4,48 Der w'den Ritter wu-nesam
4,49 Do der martererere
4,50 Gar lebt one swere
4,51 Sine woppe- laz ich ligen
4,52 Sie sint im in sin grab gedygen
4,53 Vnd bit da vuer altissimo
4,54 Daz sin krey ge also
4,55 "Ey sluzze-b'g" die w'de krye
4,56 Zu himel dort de- selen bye
4,57 An sante yorge- ritt's schar
4,58 Da der himeladelar .
4,59 Dir gebe den ewelichen solt
4,60 Des bit ich langer luppolt
4,61 Ein sund' also groezzer
4,62 Vnd rehter kunster bloezzer
4,63 Ob ich dar umbe sterbe
4,64 Daz ich doch hie erw'be
4,65 Daz ma- spreche sund' spot
4,66 "Nu gnade im vns' h'regot"
4,67 Als ma- tuot disem herren
4,68 Die nehe vnd auch die ferren .
4,69 Wer den herren nie gesach
4,70 Der klaget doch sin vngemach .